

საქართველოს მთავრობის

დადგენილება №685

2014 წლის 18 დეკემბერი

ქ. თბილისი

„ტექნიკური რეგლამენტი „სალოცმანო სამსახურის საქმიანობის და ლოცმანის სერტიფიცირების წესის“ დამტკიცების შესახებ“ საქართველოს მთავრობის 2013 წლის 9 დეკემბრის №327 დადგენილებაში ცვლილების შეტანის თაობაზე

მუხლი 1

პროდუქტის უსაფრთხოებისა და თავისუფალი მიმოქცევის კოდექსის 58-ე მუხლის მე-2 ნაწილისა და „ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, შეტანილ იქნეს ცვლილება „ტექნიკურ რეგლამენტი „სალოცმანო სამსახურის საქმიანობის და ლოცმანის სერტიფიცირების წესის“ დამტკიცების შესახებ“ საქართველოს მთავრობის 2013 წლის 9 დეკემბრის №327 დადგენილებაში (www.matsne.gov.ge, 11/12/2013, 300160070.10.003.017494) და დადგენილებით დამტკიცებული „ტექნიკური რეგლამენტის „სალოცმანო სამსახურის საქმიანობისა და ლოცმანის სერტიფიცირების წესის“:

1. მე-8 მუხლის პირველი პუნქტი ჩამოყალიბდეს შემდეგი რედაქციით:

„1. სააგენტო სალოცმანო სამსახურის სერტიფიკატის მოქმედების ვადის შეჩერების შესახებ გადაწყვეტილებას იღებს იმ შემთხვევაში, თუ:

ა) სალოცმანო სამსახურის სერტიფიკატის მფლობელი არღვევს რეზოლუციის, „მეზღვაურების მომზადების, დიპლომირებისა და ვახტის გაწევის შესახებ“ 1978 წლის საერთაშორისო კონვენციის, საქართველოს საზღვაო კოდექსის, საქართველოს კანონმდებლობით და/ან ამ რეგლამენტით დადგენილ მოთხოვნებს, რამაც გამოიწვია (შეიძლება გამოწვიოს) საზღვაო ინციდენტი;

ბ) კომპლექსური ან არაგეგმური შემოწმების უარყოფითი დასკვნისას (შეფასებისას) მიცემული 1 (ერთ) თვიანი ვადის გასვლის მიუხედავად, განმეორებითი შემოწმებისას, შეფასება კვლავ უარყოფითი აღმოჩნდება;

გ) საქართველოს კანონმდებლობით დადგენილ სხვა შემთხვევებში.“.

2. მე-13 მუხლის პირველ პუნქტს დაემატოს შემდეგი შინაარსის „გ¹“ ქვეპუნქტი:

„გ¹) ამ დადგენილებით დამტკიცებული ტექნიკური რეგლამენტის 20² მუხლის შესაბამისად დანიშნული ლოცმანი დაუსაბუთებელ უარს განაცხადებს სააგენტოს სავალდებულო მითითების შესრულებაზე;“.

3. მე-20¹ მუხლის მე-5 პუნქტი ჩამოყალიბდეს შემდეგი რედაქციით:

„5. სალოცმანო კატარლის გეგმური რემონტის, დოკირების, ტექნიკური გაუმართაობის და/ან ფორსმაჟორის შემთხვევაში, სალოცმანო კომპანიას სალოცმანო გაცილებისთვის, გამონაკლისის სახით, შეუძლია გამოიყენოს ბუქსირი. ყველა ასეთ შემთხვევაში, დაუყოვნებლივ უნდა იქნეს ინფორმირებული შესაბამისი ნავსადგურის სახელმწიფო ზედამხედველობისა და კონტროლის სამსახურის მორიგე ოფიცერი და სალოცმანო სამსახურმა პირველივე ხელსაყრელ დროს წერილობით უნდა აცნობოს სააგენტოს საზღვაო უსაფრთხოების დეპარტამენტს. ამ პუნქტით გათვალისწინებული სალოცმანო კატარლის ტექნიკური გაუმართაობა უნდა აღმოიფხვრას სააგენტოზე ოფიციალური შეტყობინებიდან არა უგვიანეს 30 (ოცდაათი) კალენდარული დღის ვადაში.“.

4. მე-20¹ მუხლის შემდეგ დაემატოს შემდეგი შინაარსის 20² მუხლი:

„მუხლი 20². სააგენტოს უფლებამოსილება დანიშნოს სახელმწიფო ლოცმანი



1. იმ შემთხვევაში, როდესაც სალოცმანო სამსახურის და/ან ნავსადგურის ბრალით ან მათ შორის ხელშეკრულების არარსებობის ან რეგლამენტის 20¹ მუხლით გათვალისწინებული სალოცმანო კატარდის არქონის ან ტექნიკური გაუმართაობის გამო შეუძლებელია სავალდებულო სალოცმანო გაცილების რაიონში სალოცმანო მომსახურების განხორციელება, ასევე ამ რეგლამენტის მე-8 მუხლის პირველი და მე-5 პუნქტებით გათვალისწინებული შემთხვევებისას და მე-20 მუხლით გათვალისწინებული ვალდებულებების შეუსრულებლობისას, სააგენტო უფლებამოსილია დანიშნოს შესაბამისად კომპეტენტური პირი ან/და სააგენტოს მიერ სერტიფიცირებული ლოცმანი სავალდებულო სალოცმანო მომსახურების უზრუნველსაყოფად, რომლის ანაზღაურების წესიც განისაზღვრება სააგენტოს მიერ.

2. ამ მუხლის პირველი პუნქტით გათვალისწინებულ შემთხვევაში სალოცმანო მომსახურების საფასური გადაიხდება სააგენტოს ანგარიშზე, რომლის გადახდის წესი და პირობები განისაზღვრება საქართველოს ეკონომიკისა და მდგრადი განვითარების მინისტრის ბრძანების შესაბამისად.“.

5. 21-ე მუხლს დაემატოს შემდეგი შინაარსის „კ“ ქვეპუნქტი:

„კ¹) სახელმწიფო ინტერესებისა და საქართველოს ნავსადგურებში საზღვაო უსაფრთხოების უზრუნველყოფის მიზნით, სააგენტოს მიერ სერტიფიცირებული ლოცმანი ვალდებულია, ამ რეგლამენტის 20² მუხლით გათვალისწინებულ შემთხვევაში, შესარულოს სააგენტოს სავალდებულო მითითება სავალდებულო სალოცმანო გაცილების რაიონებში, შესაბამისი ანაზღაურების საფუძველზე. სააგენტოს სავალდებულო მითითების შესრულებაზე დაუსაბუთებელი უარი წარმოადგენს ლოცმანის სერტიფიკატის მოქმედების შეჩერების საფუძველს;“.

მუხლი 2

გარდამავალი დებულებები

1. ამ დადგენილების ამოქმედებიდან ერთი თვის ვადაში სააგენტომ განახორციელოს სერტიფიცირებული სალოცმანო სამსახურების ხელახალი უსასყიდლო სერტიფიცირება.

2. ამ დადგენილების ამოქმედებიდან ერთი თვის ვადაში საქართველოს ეკონომიკისა და მდგრადი განვითარების სამინისტრომ უზრუნველყოს შესაბამისი სამართლებრივი აქტის შესაბამისობა ამ დადგენილებასთან.

მუხლი 3

დადგენილება ამოქმედდეს 2015 წლის 1 იანვრიდან.

პრემიერ-მინისტრი

ირაკლი ლარიბაშვილი

